

## Stáhtaráđi ášahus

**soahpamuša, man Suopma ja Norga leaba dahkan boazoáiddiid áidumis ja bajásdoallamis sihke eará doaibmabijuin bohccuid hehtten dihte beassamis nuppi riikii, fápmuibidjamis ja soahpamuša láhkaásahansuorgái gullelaš mearrádusaid fápmuibidjan- ja heivehanlága fápmuiboahtimis ja boazodoallolága rievddanlága fápmuiboahtimis**

Stáhtaráđi mearrádusa mielde mearriduvvo dan soahpamuša, man Suopma ja Norga leaba dahkan boazoáiddiid áidumis ja bajásdoallamis sihke eará doaibmabijuin bohccuid hehtten dihte beassamis nuppi riikii, láhkaásahansuorgái gullelaš mearrádusaid fápmuibidjan- ja soahpamuša heivehanlága (979/2016) 4 §:a ja boazodoallolága rievddanlága (979/2016) fápmuibidjanjuolggadusa vuodul:

### 1 §

Suoma dássevárdi ja Norgga gonagasriika leaba dahkan Kárášjogas juovlamánu 9. beaivve 2014 soahpamuša boazoáiddiid áidumis ja bajásdoallamis sihke eará doaibmabijuin bohccuid hehtten dihte beassamis nuppi riikii. Dát soahpamuš boahtá fápmui ođđajagemánu 1. beaivve 2017 nugo das lea sohppojuvnon.

Riikkabeaivvit lea dohkkehan soahpamuša skábmamánu 8. beaivve 2016 ja dássevárdi presideanta skábmamánu 18. beaivve 2016.

### 2 §

Soahpamuša eará go láhkaásahansuorgái gullelaš mearrádusat leat ášahussan fámus.

### 3 §

Dan soahpamuša, man Suopma ja Norga leaba dahkan boazoáiddiid áidumis ja bajásdoallamis sihke eará doaibmabijuin bohccuid hehtten dihte beassamis nuppi riikii, láhkaásahansuorgái gullelaš mearrádusaid fápmuibidjan- ja soahpamuša heivehanláhka (978/2016) boahtá fápmui ođđajagemánu 1. beaivve 2017.

### 4 §

Boazodoallolága rievddanláhka (979/2016) boahtá fápmui ođđajagemánu 1. beaivve 2017.

### 5 §

Dát ášahus boahtá fápmui ođđajagemánu 1. beaivve 2017.

Helssegis juovlamánu 21. beaivve 2016

Eanadoallo- ja birasministtar Kimmo Tiilikainen

Bajimus hoavda Pentti Lähteenoja